

Monday, April 6, 2026

Time - 2:30pm - 2:35pm

**AKASHVANI AIZAWL**

**REGIONAL NEWS UNIT**

**DGP-**

Police Modernisation hnuai atanga lei, electric scooter 15 chu DGP Pu Sharad Agarwal an vawiin khan Police Station hrang hrang leh Aizawl Traffic Police hman turin Police Headquarters kawt atangin a vai liam.

He hunah hian DGP chuan heng Electric Scooter te hi hmeichhiate himna'n leh khawtlang ralmuan zawkna atana hman tura lei a nih thu sawiin, a dawngtu ten Patrolling nan leh khawtlang ralmuanna atan tangkai taka hman turin a chah a ni.

*Mizoram Police tih changtlunna atana hmalakna atan vawiin khan DGP Pu Sharad Agarwal a chuan Electric Scooter 15, Ather Company siam chu a vailiam a, heng scooter te hi*

<i>Aizawl Police Station tan</i>	-	<i>2</i>
<i>All Women Police Station tan</i>	-	<i>1</i>
<i>Bawngkawn Police Station tan</i>	-	<i>2</i>
<i>Vaivakawn Police Station tan</i>	-	<i>2</i>
<i>Kulikawn Police Station tan</i>	-	<i>2</i>
<i>Zonuam Outpost tan</i>	-	<i>1</i>
<i>Aizawl City Traffic Police tan</i>	-	<i>3 bakah</i>

*Lunglei Police Station leh Champhai Police Station tan 1 ve ve lei a ni a, vehimna hna thawk tura khawlai fanna Patrolling nan leh khawtlang ralmuanna atana a tul anga hman tangkai tura ruahman a ni.*



**LAWNGTLAI**

Lawngtlai District Level Committee on Fire Prevention chuan an Chairman leh Bawrsap nibawk Pu Donny Lalruatsanga kaihhruaiin DC Conference Hall - ah thukhawm a.

Pu Donny Lalruatsanga chuan District Level Committee on Fire Prevention-hmalakna fakawm a tih thu sawiin, tha thlah lova hmala chhunzawm zel turin a chah a. Kangmei tichhuak lo tura inzirtirna chak taka kalpui thei a ni chu lawmawm a tih thu tarlangin, VC, NGO leh Kohhran ten an thawhpunaah lawmthu a sawi a. Sawrkar department hrang hrangte pawhin tha taka an thawhpui thu sawiin, mipuite pawhin sawrkar thuchhuah an zawm tha hle nia ahriat thu sawiin, Chanchinbu miten theitawp an chhuahpui kawngah lawmrhu a sawi bawk a ni.

Bawrsap chuan vawiin thlenga kangmei chhuak report a awmlah thu a sawi a, sawrkar, VC, NGO, Kohhran leh mipuite thawhhona tha tak a awm vang a ni a ti a, tha taka thawhho zel a beisei thu a sawi a ni.

Kum dangah Lawngtlai District- ah kangmei chhuak nasa thin mahse, kumin bikah thawhhona tha tak zarah dinhmun tha tak Lawngtlai District - a awm thu sawiin, Mizoram huapa lawmman lâk ngei a beisei awm thu a sawi a. Kangmei chhuak laka fimkhur zel turin Forest Department bakah department hrang hrangte theihtawp chhuah zel tura chahin Pu Donny Lalruatsanga chuan VC, NGOs, Kohhran leh Lawngtlai mipuite kangmei laka fimkhur chhunzawm zel turin a sawm nghal bawk.

LADC DCCF Pu K. Lalromawia chuan Lawngtlai District bikah tun dinhmunah ram kang 'report' a awm loh thu a tarlang a. Sawrkar thuchhuahte chak taka kalpui a nih thu sawiin, kangmei ven inzirtir nan Flyer leh Short Video - te siam a nih thu sawiin chanchinbu mite kangmei laka inven chungchang ziak thate hnenah lawmman pek an nih tur thu a sawi a ni. Kangmei tichhuaklo tura inzirtirna kalpui mek zel a nih thu tarlangin, Hoarding leh Sticker- te pawh siam leh pholan mek a ni, a ti. Kangmei laka fimkhur tura puangzar kawngah VC leh Kohhranah te ngenna siam a nih thu sawiin, Primary leh Middle School - ah te Awareness - kalpui a nih thu sawiin Awareness bikah khua - 34 ah neih a nih thu a tarlang.

He hunah hian CADC ah pawh kangmei ven inzirtirna Awareness tha taka kalpui niin, VC leh NGO- te nen thawhhona tha tak a awm thu tarlan a ni a, a tul anga a hmunah kala kangmei chhuak awm leh awm loh enfiah thin a nih thu tarlan a ni a. CADC - huamchhungah kangmei chhuak 'report' a awm loh thu tarlan a ni bawk.



## GINGER

Mizoram sorkarin February ni 2 atanga May ni 30 inkara support price awma kut hnathawktute sawhthing hralh tura a ruahman zaa 7.63 a hralh tawh.

Mizoram Agriculture Marketing Board (MAMB) co-chairman Dr. K.C. Lalmalsawmzauva hnen atanga Akashvani News Aizawl thudawn danin, February ni 2 atanga support price awma kut hnathawktuten sawhthing an hralh theih hun chhung tura ruahmanna kal mekah tun thla ni April ni 3 thleng khan sawhthing hralhna hmun tur bika ruahman Secondary Collection Centre (SCC) 64 zinga SCC 28 - Aibawk, Chawngtlai, Cherhluun, Chhingchhip, Farkawm, Hnahlan, Hnahthial-I, Kanghmun, Khawhai, Khawlailung, Khuangleng, Mamit, Mualkawi, Ngopa, North Vanlaiphai, North Mualcheng, Phullen, Ratu, Reiek, Sialhawk, Tawipui North 1, Thingdawl, Thenzawl, Tipa, Tuidam, Tualcheng, West Phaileng leh Vaphai atangin sawhthing cheng nuai 26 & sing 4 4,614 chu cheng nuai 773 sing 9 & 9,018- a hralh a ni tawh a ni.

*Mizoram Sorkar chuan February ni 2 atang khan SCC katlangin loneitute Sawhthing lei tum mahse sumdawngten kut hnathawktute sawhthing an leina man hniam ber tura a bituk, Reserve Price chu cheng 40 atanga 45 inkar a ni a, a san em avangin leitu an awm mai lova, February ni 9 khan Reserve Price chu cheng 30-35 inkarah tihniamin SCC pahnih- Mamit leh Tuidam atangin sawhthing chu hralh chhuah chauh a ni. March ni 27 atang khan SCC 28-ah hian sumdawngte chuan sawhthing chu kg khat cheng 25 atanga cheng 29 inkarin an lei mek a, sorkarin ba*

*awm loa lei tura sumdawngte a tih angin sumdawngte hian an sawhthing leina man hi kut hnathawktute hnenah an pe vek tawh a, sorkar erawhin support price chu hralh sawh hunah a pe chauh dawn thung a ni.*

*MAMB-in support price awma sawhthing hralh theih hun tura a bituk chu February ni 2 atanga May ni 30 thleng a ni a; SCC 64-a sawhthing awm zat tura tarlan chu quintal nuai 3, sing 4 , 6,470 niin, tuna sumdawngten an lei tawh zat hi a vaiin quintal sing 2,6440 a ni a, hralh tur zat atanga zaa 7.63 chauh a ni.*

